



Bulteno de la Londona Esperanto-Klubo

<https://londonaesperantoklubo.com>

Septembro - oktobro 2022

Kluba programo:

Septembro:

2. **Kongresaj raportoj.** Gvidos Ella kaj Eddy. Ĉiuj LEK-anoj kaj LVS-anoj estas bonvenaj raportiti!



9. **Lud-vespero.** (Ĉeeste en Highbury).

16. **'BEMI-semajno 2022 en Belgujo'.** Eddy Van den Bosch.



23. **'Kritikoj pri Golestan (La Florejo)'.** Keyhan Sayadpour.



30. **Lingva temo.** Martin Ptasinski.



Oktobro:

1. **Kafo, kuko kaj... Esperanto.** Grupa kafumado en Paddington (surloka renkontiĝo).



7. **La irlanda en Irlando,** Sean O'Riain.



14. **Lingva Seminario.** John Wells. (Ĉeeste en Highbury).



21. **Nuntempa TEJO.** Albert Stalin Garrido.



28. **La urdua: lingvo kaj kulturo.** Giridhar Rao.



Lokoj, horaroj kaj aliaj informoj:

LEK kunvenas vendredvespere. La duan vendredon de ĉiu monato la kunvenoj estas surlokaj kaj okazas en la nova renkontiĝejo en Highbury. La renkontiĝoj komenciĝas je la **19.15h** (UTC+1). La ceteraj kunvenoj okazas en la interreto per la sistemo Zoom, kun komenc-horo je la **19h** (UTC+1). Ĉiuj Klubanoj kaj vizitantoj, proksimaj kaj foraj, povas do ankoraŭ havi la eblon partopreni en la kluba vivo.

Novaj spektuntoj de la interretaj kunvenoj bonvolu peti ligilon al la proksim-vendreda Zoom-renkontiĝo de la sekretario. lek.sekretario@gmail.com.

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti mallonge.net/LEK-jutubo

Mesaĝo de la prezidanto:



Karaj klubanoj,

LEK kunvenas en Highbury la duan vendredon de ĉiu monato sed ekzistas ankaŭ aliaj okazoj por renkontiĝi aŭ renkonti Esperantistojn. Komence de julio, dek kvin membroj ĉeestis la viziton al Kenwood House (norda Londono) gviditan de **Anna Lowenstein**.

Kelkajn semajnojn poste, pluraj LEK-anoj veturis al Reading por partopreni en la renkontiĝo organizita de **Maurizio (Rico) Giacometto**. Naŭ homoj el diversaj lokoj (eĉ de Bristol!) kafumis kaj babilis esperante dum pli ol tri horoj en kafejo en la centro de la urbo. Ni planas okazigi la venontan tian renkontiĝon en Londono en oktobro.

En aŭgusto okazis nia tradicia promeno tra centra Londono, ĉi-foje de Oxford Circus ĝis Blackfriars. Ĉiĉeronis **Matt Peperell**.

Nepre kontrolu la kluban retejon de tempo al tempo (londonaesperantoklubo.com/Eventoj.html) por vidi la plej ĝisdatigitan programon. Kelkaj renkontiĝoj povus esti deciditaj lastmomente, do *post* la eldono de la bulteno. Cetere se vi mem ŝatus organizi surlokan renkontiĝon (ĝeneralan aŭ pri iu specifa temo) aŭ gvidi viziton en iu londona loko, sciigu nin.



Kelkaj membroj de LEK antaŭ Kenwood House

La fino de la somero signifas la rekomencon de nia lingva kursaro. Vi certe scias, ke LEK ofertas retajn kursojn (londonaesperantoklubo.com/OnlineEsperantoCourses.html) de Esperanto.

En septembro, ni lanĉos novajn trimonatajn kursojn je diversaj niveloj.

Ĉar la lecionoj okazas nun rete per la programo Zoom, la lernantoj ne plu bezonas iri al iu specifa loko, kaj tio faciligas ilian partoprenon. Sekve, ni atendas inter 60 kaj 100 partoprenantojn.

Kompreneble nur kelkaj el ili estos londonanoj sed, espereble, tiuj fariĝos LEK-anoj estontece.

La nova programo por septembro/oktobro promesas interesajn prelegojn pri tre diversaj temoj do venu, ĝuu kaj revenu!


Amike, Anthony

Nia renkontiĝejo

La klubo rekomencis siajn ĉeestajn kunvenojn en majo 2022. Ili okazas unu fojon monate, la 2-an vendredon de ĉiu monato. La venonta kunveno okazos la 9-an de septembro kaj estos Lud-vespero. La kunvenejo troviĝas ĉe **Highbury View, 89 Ronalds Road, London, N5 1XQ** (goo.gl/maps/jNtGf5AcG68ogPrq6).

La ejo estas facile atingebla de la metrostacio 'Highbury & Islington'. Temas pri pli-malpli 10-minuta piedirado. Por eniri la ejon, oni bezonas enirkodon. Ĝi estos dissendita per retmesaĝo antaŭ la kunveno. Se vi ne havas aliron al la interreto, bv. kontakti la sekretario (T. 07399 273515) por havi la kodon se vi intencas ĉeesti. Ekster la enirejo estos afiŝo kun kontaktonumero por tiuj, kiuj hazarde alvenos sen la enirkodo.


Kiel atingi Highbury View: **Metroo:** Highbury & Islington (linio Victoria). **Fervojo:** London Overground (Highbury & Islington) kaj Great Northern (Highbury & Islington aŭ Drayton Park). Autobusoj: 19, 263, 271, 30, 43.



VENU AL LA LUD-UESPERO! VENDREDON LA 9-AN DE SEPTEMBRO en NIA RENKONTIĜEJO EN Highbury

Ludoj estas bona maniero por

- Uzi vian Esperanton
- Plibonigi ĝin
- Ĝui la etoson de la klubo
- Krei ĝin!
- Renkonti novajn Esperantistojn
- Pasigi belan vesperon kun amikoj




Kafo, kuko kaj... Esperanto.

Jen aldona renkontiĝo de LEK por oktobro, kunlabore kun la Esperanto-grupo de Reading kaj Oksfordo.

La kunveno komenciĝos je la 11:00 matene, Sabaton la 1-an de oktobro en kafejo apud Paddington.

Venu por uzi vian Esperanton kun aliaj parolantoj en amika etoso.

Bv. sciigi nin per retmesaĝo (rico@esperanto.org) pri via intenco ĉeesti. Tial ni scios kiom da homoj ni atendas kaj povos pli bone elekti kie sidi en la renkontiĝejo.



Pli da detaloj ĉe :
londonaesperantoklubo.com/Eventoj.html

Londona Esperanto-klubo



Funkciuloj

Honora Prezidanto: Prof. John Wells; Honoraj Vicprezidantoj: Heleno Fantom, Joyce Bunting.

Anthony Bodineau (Prezidanto), Olga Kerziouk (Vicprezidanto), Matt Peperell (Vicprezidanto), Arturo Prent (Kasisto), Renato Corsetti (Sekretario), Terry Page, Anica Page, Antony Rawlinson, Phil Housley, Alexander Ord (konsilantoj).

Maurizio Giacometto (kompilisto de la Bulteno).